



ZAPISNIK
O RADU 40. SJEDNICE GRADSKOG VIJEĆA GRADA
SARAJEVA OD 29.06.2016. GODINE

Sarajevo, juni, 2016. godine

ZAPISNIK
O RADU 40. SJEDNICE GRADSKOG VIJEĆA GRADA SARAJEVA
OD 29.06.2016. GODINE

Broj: 01-02-1100/16

Datum: 29.06.2016. godine

Sjednica je počela s radom u 10.00 sati.

Sjednicom je predsjedavao Suljo Agić, Predsjedavajući Gradskog vijeća Grada Sarajeva.

Prisutni su bili sljedeći gradski vijećnici:

- | | |
|-----------------------------|-------------------------|
| 1. Suljo Agić | 15. Edina Latif |
| 2. Novka Agić | 16. Sanja Lazar |
| 3. Vernes Ćosić | 17. Miro Lazović |
| 4. Mr. Gradimir Gojer | 18. Jusuf Lošić |
| 5. Vibor Handžić | 19. Arijana Talović |
| 6. Alija Hodžić | 20. Robert Pleše |
| 7. Avdo Hodžić | 21. Omer Pajević |
| 8. Hasan Hodžić | 22. Branislava Rakonjac |
| 9. Enes Husejnović | 23. Boris Riderle |
| 10. Drago Jurić | 24. Jasmin Smječanin |
| 11. Prof. dr. Velija Katica | 25. Miroslav Živanović. |
| 12. Suvad Kerla | |
| 13. Stjepan Kljuić | |
| 14. Slaven Kovačević | |

Odsutni: Vedran Dodik, Nebojša Simić, Igor Gavrić (najavljeni izostanci)

Pored gradskih vijećnika sjednici su prisustvovali:

1. Prof. dr. Ivo Komšić, Gradonačelnik,
2. Abdulah Skaka, zamjenik Gradonačelnika,
3. Safet Krajišnik, Sekretar Gradskog vijeća,
4. Jasmina Karović, pravobranilac Grada Sarajeva,
5. Elvir Hadžiahmetović, sekretar Gradske uprave,
6. Sabina Hadžiahmetović, pomoćnik Gradonačelnika za opću upravu,
7. Amela Kolovrat, pomoćnik Gradonačelnika za finansije,
8. Firdevsa Bračković, pomoćnik Gradonačelnika za lokalno poslovanje i razvoj grada,
9. Dragana Solaković, pomoćnik Gradonačelnika za lokalnu samoupravu,
10. Hamdo Karić, pomoćnik Gradonačelnika za komunalne poslove,
11. Ramiz Kadić, pomoćnik Gradonačelnika za obrazovanje, kulturu i sport,
12. Arijana Musić, Služba za urbano planiranje i stambene poslove,
13. Članovi Komisije za Statut i akte Gradskog vijeća koji nisu gradski vijećnici (prema evidenciji u Službi Gradskog vijeća),
14. Muamera Efendić, sekretar JP „Olimpijski bazen Otoka“ d.o.o. Sarajevo.

Predsjedavajući Gradskog vijeća Suljo Agić je pozdravio prisutne gradske vijećnike, Gradonačelnika i goste te otvorio 40. sjednicu Gradskog vijeća Grada Sarajeva konstatacijom da sjednici prisustvuje 21 gradski vijećnik, te da su izostanak najavili gradski vijećnik Nebojša Simić, gradski vijećnik Igor Gavrić, da je gradski vijećnik Vedran Dodik najavio kašnjenje, te da sjednica Gradskog vijeća ima kvorum za punovažan rad i odlučivanje.

Na poziv **Predsjedavajućeg Gradskog vijeća Sulje Agića**, uslijedilo je odavanje počasti žrtvama terorističkog napada na Aerodrom Atatürk u Istanbulu koji se dogodio 28. 06. 2016. godine.

Poslije rasprave u kojoj je sudjelovao **gradski vijećnik Hasan Hodžić**, pa izjašnjavanja, Predsjedavajući Gradskog vijeća Suljo Agić konstatirao je da je **Gradsko vijeće Grada Sarajeva**, bez rasprave, **jednoglasno**, izjasnivši se sa 19 glasova “za”, bez glasova “protiv” i bez “suzdržanih” glasova prisutnih gradskih vijećnika, usvojilo Zapisnik o radu 39. sjednice Gradskog vijeća Grada Sarajeva.

Uslijedilo je utvrđivanje dnevnog reda sjednice, te je **Predsjedavajući Gradskog vijeća Suljo Agić** podsjetio gradske vijećnike da su materijale dobili uz poziv za sjednicu Gradskog vijeća, zajedno s izvještajima sa sjednica radnih tijela održanih u pripremi 40. sjednice Gradskog vijeća i dao uvodne napomene u izlaganju sljedećeg sadržaja.

Pred početak sjednice su gradski vijećnici dobili i dopunski materijal vezan za Informaciju o nepokretnoj imovini koja je u vlasništvu Grada Sarajeva ili sa kojom Grad upravlja ili raspolaže, te nepokretnom imovinom u koju je u proteklom periodu Grad Sarajevo ulagao budžetska sredstva. Također, gradskim vijećnicima je podijeljen i akt Sindikalne organizacije organa Grada Sarajeva i mišljenje Gradonačelnika po tom aktu. Dostavljeni su i Amandmani na Prijedlog Programa stipendiranja učenika srednjih škola za 2016. godinu sa mišljenjem Komisije za Statut i akte. Dopunski materijal sadrži i prijedlog Gradonačelnika da se određeni akti razmatraju po hitnom postupku i to Prijedlog Odluke o davanju saglasnosti za zaključivanje ugovora o poklonu donirane opreme između Grada Sarajeva i Općine Olovo i Prijedlog Odluke o pristupanju izgradnji nove Trebevičke žičare i pratećih objekata, a dostavljena je i Informacija o aktivnostima na Projektu “Revitalizacija Trebevičke žičare” u periodu od 01.04.2016. do 25.06.2016. godine. Zatim je najavio razmatranje prethodnih pitanja.

Poslije izjašnjavanja, Predsjedavajući Gradskog vijeća Suljo Agić, je konstatirao da se četiri gradska vijećnika nisu izjasnila, a da je **Gradsko vijeće Grada Sarajeva, jednoglasno**, izjasnivši se sa 17 glasova “za”, bez glasova “protiv” i bez “suzdržanih” glasova, prisutnih gradskih vijećnika, usvojilo prijedlog da se Odluka o dodjeli u zakup garaže u ulici Dejzina Bikića, u naselju „Šip“ razmatra u formi prijedloga po skraćenom postupku i kao takva uvrsti u prijedlog dnevnog reda 40. sjednice Gradskog vijeća.

Poslije izjašnjavanja, **Predsjedavajući Gradskog vijeća Suljo Agić**, je konstatirao da je **Gradsko vijeće Grada Sarajeva, jednoglasno**, izjasnivši se sa 22 glasa “za”, bez glasova “protiv” i bez “suzdržanih” glasova, prisutnih gradskih vijećnika, usvojilo prijedlog da se Odluka o izmjenama i dopunama Odluke o uslovima i načinu dodjele „Šestoaprilske nagrade Grada Sarajeva“ razmatra u formi prijedloga po skraćenom postupku i kao takva uvrsti u prijedlog dnevnog reda 40. sjednice Gradskog vijeća.

Poslije izjašnjavanja, **Predsjedavajući Gradskog vijeća Suljo Agić** konstatirao je da se dva gradska vijećnika nisu izjasnila, a da je **Gradsko vijeće Grada Sarajeva, većinom glasova**, izjasnivši se sa 18 glasova “za”, jednim glasom “protiv” i uz jedan “suzdržan” glas prisutnih gradskih vijećnika, usvojilo proceduralni prijedlog da se o prijedlogu za razmatranje akata vezanih za projekt obnove „Trebevičke žičare“ vodi jedinstvena rasprava, a odlučuje pojedinačno.

Poslije izjašnjavanja, **Predsjedavajući Gradskog vijeća Suljo Agić**, je konstatirao da se jedan gradski vijećnik nije izjasnio, a da je **Gradsko vijeće Grada Sarajeva, većinom glasova**, izjasnivši se sa 20 glasova “za”, bez glasova “protiv” i uz jedan “suzdržan” glas, prisutnih gradskih vijećnika, usvojilo prijedlog da se Odluka o davanju saglasnosti za zaključivanje ugovora o poklonu donirane opreme između Grada Sarajeva i Općine Olovo razmatra u formi prijedloga po hitnom postupku i kao takva uvrsti u prijedlog dnevnog reda 40. sjednice Gradskog vijeća.

Poslije izjašnjavanja, **Predsjedavajući Gradskog vijeća Suljo Agić**, je konstatirao da se jedan gradski vijećnik nije izjasnio, a da je **Gradsko vijeće Grada Sarajeva, većinom glasova**, izjasnivši se sa 20 glasova “za”, bez glasova “protiv” i uz jedan “suzdržan” glas, prisutnih gradskih vijećnika, usvojilo prijedlog da se Odluka o pristupanju izgradnji nove Trebevičke žičare i pratećih objekata razmatra u formi prijedloga po hitnom postupku i kao takva uvrsti u prijedlog dnevnog reda 40. sjednice Gradskog vijeća.

Poslije izjašnjavanja, **Predsjedavajući Gradskog vijeća Suljo Agić**, je konstatirao da je **Gradsko vijeće Grada Sarajeva, jednoglasno**, izjasnivši se sa 22 glasa “za”, bez glasova “protiv” i bez “suzdržanih” glasova, prisutnih gradskih vijećnika, usvojilo prijedlog da se Informacija o aktivnostima na Projektu “Revitalizacija Trebevičke žičare” u periodu od 01.04.2016. do 25.06.2016. godine uvrsti u prijedlog dnevnog reda 40. sjednice Gradskog vijeća.

Poslije rasprave, u kojoj je sudjelovao **gradski vijećnik Alija Hodžić**, pa izjašnjavanja, **Predsjedavajući Gradskog vijeća Suljo Agić** je konstatirao da se jedan gradski vijećnik nije izjasnio, a da je **Gradsko vijeće Grada Sarajeva, jednoglasno**, izjasnivši se sa 21 glasom “za”, bez glasova “protiv” i bez “suzdržanih” glasova, prisutnih gradskih vijećnika, usvojilo dnevni red 40. sjednice Gradskog vijeća kako slijedi:

1. **Prijedlog Odluke o dodjeli u zakup garaže u ulici Dejzina Bikića E2 (22)**
2. **Prijedlog Odluke o usvajanju izmjena i dopuna Regulacionog plana „Alipašin Most VII“ s Prijedlogom Odluke o provođenju izmjena i dopuna Regulacionog plana „Alipašin Most VII“ (skraćeni postupak)**
3. **Prijedlog Odluke o izmjenama i dopunama Odluke o uslovima i načinu dodjele „Šestoaprilske nagrade Grada Sarajeva“**

4. Informacija o aktivnostima na Projektu “Revitalizacija Trebevičke žičare” u periodu od 01.04.2016. do 25.06.2016. godine
5. Prijedlog Odluke o davanju saglasnosti za zaključivanje ugovora o poklonu donirane opreme između Grada Sarajeva i Općine Olovo
6. Prijedlog Odluke o pristupanju izgradnji nove Trebevičke žičare i pratećih objekata
7. Prijedlog Programa stipendiranja učenika srednjih škola za 2016. godinu
8. Izvještaj o realizaciji Programa manifestacije obilježavanja 6. Aprila –dana Grada Sarajeva u 2016. godini
9. Informacija o nepokretnoj imovini koja je u vlasništvu Grada Sarajeva ili sa kojom Grad upravlja ili raspolaže, te nepokretnom imovinom u koju je u proteklom periodu Grad Sarajevo ulagao budžetska sredstva
10. Informacija o stanju komunalne higijene, plan i program rada, s naglaskom na čišćenje područja Grada Sarajeva
11. Informacija o stanju saobraćaja u gradu Sarajevu s prijedlogom mjera za rješavanje problema gužvi na saobraćajnicama, s posebnim osvrtom na mogućnost izgradnje kružnih tokova
12. Vijećnička pitanja i inicijative

Ad 1) Prijedlog Odluke o dodjeli u zakup garaže u ulici Dejzina Bikića E2 (22)

U uvodnim napomenama **Predsjedavajući Gradskog vijeća Suljo Agić** podsjetio je gradske vijećnike da je predlagač Odluke Komisija za dodjelu u zakup poslovnih prostorija i garaža u vlasništvu Grada Sarajeva, da su materijal razmatrala nadležna radna tijela i to Administrativna komisija i Komisija za Statut i akte.

Poslije izjašnjavanja, **Predsjedavajući Gradskog vijeća Suljo Agić** konstatirao je da je **Gradsko vijeće Grada Sarajeva**, **jednoglasno**, izjasnivši se sa 22 glasa “za”, bez glasova “protiv” i bez “suzdržanih” glasova prisutnih gradskih vijećnika, na prijedlog Komisije za dodjelu u zakup poslovnih prostorija i garaža, usvojilo sljedeći **zaključak**:

- **Zadužuje se Komisija za dodjelu u zakup poslovnih prostorija i garaža u vlasništvu Grada Sarajeva** da obnovi javni oglas za prostor i garaže koji nisu ustupljeni po završenoj proceduri, putem provođenja prethodnog javnog oglasa.
- **Zadužuje se Gradonačelnik** da pripremi dokumentaciju za završetak poslovnog prostora u objektu u vlasništvu Grada Sarajeva u naselju Šip koji nije završen i predloži Gradskom vijeću akt kojim bi se Gradsko vijeće odredilo o obimu intervencije, odnosno procjeni potrebnih sredstava za završetak radova na izgradnji prostora.

Poslije izjašnjavanja, **Predsjedavajući Gradskog vijeća Suljo Agić** konstatirao je da se jedan gradski vijećnik nije izjasnio, a da je **Gradsko vijeće Grada Sarajeva**, **jednoglasno**, izjasnivši se sa 21 glasom “za”, bez glasova “protiv” i bez “suzdržanih” glasova prisutnih gradskih vijećnika, usvojilo **Odluku o dodjeli u zakup garaže u ulici Dejzina Bikića E2 (22)** kako je i predložena.

Ad 2)

Prijedlog Odluke o usvajanju izmjena i dopuna Regulacionog plana „Alipašin Most VII“ s Prijedlogom Odluke o provođenju izmjena i dopuna Regulacionog plana „Alipašin Most VII“ (skraćeni postupak)

U uvodnim napomenama Predsjedavajući Gradskog vijeća Suljo Agić podsjetio je gradske vijećnike da je predlagač Odluke Gradonačelnik, da je Odbor za urbanizam i upotrebu lokalnog zemljišta, kao i Komisija za Statut i akte koja je zaključila da postoji pravni osnov da Gradsko vijeće razmatra predloženu odluku.

Uvodno izlaganje je podnijela **Arijana Musić, stručni savjetnik u Službi za urbano planiranje i stambene poslove.**

U raspravi su svojim stavovima, mišljenjima, odnosno pitanjima, te prijedlozima sudjelovali **gradski vijećnik Alija Hodžić, gradski vijećnik Omer Pajević, gradski vijećnik Hasan Hodžić**, te je **gradska vijećnica Arijana Talović**, u ime Kluba gradskih vijećnika SDP-a, iznijela prijedlog sljedećeg sadržaja.

U članu 10. Predložene odluke o provođenju plana, uređuje se izgradnja dviju centralnih kotlovnica koje bi koristile prirodni gas kao primarni energent. Također, planira se, ukoliko se pokaže da dinamika gradnje centralne kotlovnice ne prati dinamiku gradnje stambeno – polovnih objekata da se kao mogućnost za rješavanje grijanja objekata predviđa i izgradnja krovnih kotlovnica čiji bi primarni energent, također bio gas.

Potrebno je u predloženoj odluci o provođenju Plana, u članu 10, dodati novu alineju tako da glasi: „Koncept toplifikacije sa krovnim kotlovnica može biti centralna krovna kotlovnica sa zemnim gasom kao osnovnim energentom koja predstavlja obavezu investitora koji gradi na predmetnim parcelama, te alternativne kotlovnice sa obnovljivim izvorima energije, na primjer pelet i slično, uz poštovanje evropskih standarda.“ Na ovaj način bi se omogućilo velikom broju od 20.000 stanovnika koliko bi primilo novo naselje koje se planira, da u slučaju nestanka plina, imaju mogućnost nesmetanog grijanja svojih domova iz alternativnog izvora energije.

Dodatna obrazloženja i odgovore na pitanja dala je **Arijana Musić, stručni savjetnik u Službi za urbano planiranje i stambene poslove.**

Gradonačelnik Ivo Komšić se izjasnio da prihvata prijedlog gradske vijećnice Arijane Talović, te je **Predsjedavajući Gradskog vijeća Suljo Agić** konstatirao da rješenja iz prihvaćenog prijedloga postaju sastavni dio predložene odluke.

Dalje su u raspravi sudjelovali **gradski vijećnik Stjepan Kljuić, gradski vijećnik Vernes Čosić, gradski vijećnik Alija Hodžić** i **Predsjedavajući Gradskog vijeća Suljo Agić**, a zatim je na zahtjev predsjednika Kluba gradskih vijećnika SDA, uslijedila pauza u radu sjednice Gradskog vijeća.

Poslije pauze je uslijedilo izjašnjavaње, te je **Predsjedavajući Gradskog vijeća Suljo Agić** konstatirao je da se jedan gradski vijećnik nije izjasnio, a da je **Gradsko vijeće Grada Sarajeva, većinom glasova**, izjasnivši se sa 19 glasova “za”, bez glasova “protiv” i uz tri “suzdržana” glasa prisutnih gradskih vijećnika, usvojilo Odluku o usvajanju izmjena i dopuna Regulacionog plana „Alipašin Most VII“ s Odlukom o provođenju izmjena i dopuna Regulacionog plana „Alipašin Most VII“ kako je predložena i izmijenjena tokom rasprave i to tako što je **član 10.** Odluke o provođenju izmjena i dopuna Regulacionog plana „Alipašin Most VII“ dopunjen novom alinejom koja glasi:

„Koncept toplifikacije sa krovnim kotlovnica može biti centralna krovna kotlovnica sa zemnim gasom kao osnovnim energentom koja predstavlja obavezu investitora koji gradi na predmetnim parcelama, te alternativne kotlovnice sa obnovljivim izvorima energije (pelet i sl.), uz poštovanje evropskih standarda.“

Ad 3)

Prijedlog Odluke o izmjenama i dopunama Odluke o uslovima i načinu dodjele „Šestoaprilske nagrade Grada Sarajeva“

U uvodnim napomenama **Predsjedavajući Gradskog vijeća Suljo Agić** podsjetio je gradske vijećnike da je predlagač Odluke Gradonačelnik, da je Komisija za izbor i imenovanja razmatrala predloženu Odluku, te da je Komisija za Statut i akte zaključila da postoji pravni osnov da je Gradsko vijeće razmatra i donese.

Poslije izjašnjavanja, **Predsjedavajući Gradskog vijeća Suljo Agić** konstatirao je da se dva gradska vijećnika nisu izjasnila, a da je **Gradsko vijeće Grada Sarajeva, jednoglasno**, izjasnivši se sa 21 glasom “za”, bez glasova “protiv” i bez “suzdržanih” glasova prisutnih gradskih vijećnika, usvojilo Odluku o izmjenama i dopunama Odluke o uslovima i načinu dodjele „Šestoaprilske nagrade Grada Sarajeva“ kako je i predložena.

Ad 4) Informacija o aktivnostima na Projektu “Revitalizacija Trebevičke žičare” u periodu od 01.04.2016. do 25.06.2016. godine

U uvodnim napomenama **Predsjedavajući Gradskog vijeća Suljo Agić** podsjetio je gradske vijećnike da je predlagač akta Gradonačelnik.

Predsjedavajući Gradskog vijeća Suljo Agić je konstatirao da je **Gradsko vijeće**, bez rasprave primilo k znanju Informaciju o aktivnostima na Projektu “Revitalizacija Trebevičke žičare” u periodu od 01.04.2016. do 25.06.2016. godine.

Ad 5)

Prijedlog Odluke o davanju saglasnosti za zaključivanje ugovora o poklonu donirane opreme između Grada Sarajeva i Općine Olovo

U uvodnim napomenama **Predsjedavajući Gradskog vijeća Suljo Agić** podsjetio je gradske vijećnike da je predlagač Odluke Gradonačelnik, te da je Komisija za Statut i akte zaključila da postoji pravni osnov da Gradsko vijeće razmatra predloženu Odluku.

U raspravi je pitanja postavio gradski vijećnik Jusuf Lošić, odgovore je dao zamjenik Gradonačelnika Abdulah Skaka, a raspravu je nastavio **gradski vijećnik Alija Hodžić.**

Poslije izjašnjavanja, **Predsjedavajući Gradskog vijeća Suljo Agić** konstatirao je da se jedan gradski vijećnik nije izjasnio, a da je **Gradsko vijeće Grada Sarajeva, većinom glasova**, izjasnivši se sa 21 glasom, “za”, bez glasova “protiv” i uz jedan “suzdržan” glas prisutnih gradskih vijećnika, usvojilo Odluku o davanju saglasnosti za zaključivanje ugovora o poklonu donirane opreme između Grada Sarajeva i Općine Olovo kako je i predložena.

Ad 6)

Prijedlog Odluke o pristupanju izgradnji nove Trebevičke žičare i pratećih objekata

U uvodnim napomenama **Predsjedavajući Gradskog vijeća Suljo Agić** podsjetio je gradske vijećnike da je predlagač Odluke Gradonačelnik, te da je Komisija za Statut i akte zaključila da postoji pravni osnov da Gradsko vijeće razmatra predloženu Odluku.

Uvodno izlaganje je podnio **Gradonačelnik Ivo Komšić**, a dopunio ga je **zamjenik Gradonačelnika Abdulah Skaka**.

U raspravi je pitanje postavio **gradski vijećnik Alija Hodžić** koji je, poslije odgovora **zamjenika Gradonačelnika Abdulaha Skake**, iznio svoj stav.

Poslije izjašnjanja, **Predsjedavajući Gradskog vijeća Suljo Agić** konstatirao je da se jedan gradski vijećnik nije izjasnio, a da je **Gradsko vijeće Grada Sarajeva, jednoglasno**, izjasnivši se sa 22 glasa “za”, bez glasova “protiv” i bez “suzdržanih” glasova prisutnih gradskih vijećnika, usvojilo Odluku o pristupanju izgradnji nove Trebevičke žičare i pratećih objekata kako je i predložena.

Ad 7)

Prijedlog Programa stipendiranja učenika srednjih škola za 2016. godinu

U uvodnim napomenama **Predsjedavajući Gradskog vijeća Suljo Agić** podsjetio je gradske vijećnike da je predlagač Odluke Gradonačelnik, te da je Komisija za Statut i akte zaključila da postoji pravni osnov da Gradsko vijeće razmatra predloženu Odluku.

Podsjetio je da je **gradski vijećnik Enes Husejnović** podnio amandmane na predloženi Program.

Gradonačelnik se izjasnio da prihvaća rješenja iz predloženih amandmana, te je **Predsjedavajući Gradskog vijeća Suljo Agić** konstatirao da rješenja iz prihvaćenih amandmana postaju sastavni dio Programa koji se razmatra.

Gradski vijećnik Enes Husejnović je dao dodatno obrazloženje vezano za prihvaćene amandmane, a dalje su raspravljali **gradski vijećnik Velija Katica**, **gradski vijećnik Suvad Kerla**, **gradski vijećnik Alija Hodžić**, **gradski vijećnik Omer Pajević** i **gradski vijećnik Hasan Hodžić**, a odgovore na pitanja i dodatna obrazloženja dao je **pomoćnik Gradonačelnika za obrazovanje, kulturu i sport Ramiz Kadić**. Raspravu je nastavio **gradski vijećnik Velija Katica**, a dalja obrazloženja je dao **Gradonačelnik Ivo Komšić**.

Poslije izjašnjanja, **Predsjedavajući Gradskog vijeća Suljo Agić** konstatirao je da se četiri gradska vijećnika nisu izjasnila, a da je **Gradsko vijeće Grada Sarajeva, jednoglasno**, izjasnivši se sa 18 glasova “za”, bez glasova “protiv” i bez “suzdržanih” glasova prisutnih gradskih vijećnika, usvojilo Program stipendiranja učenika srednjih škola za 2016. godinu kako je i predložen i izmjenjen tokom rasprave, uvrštavanjem rješenja iz amandmana koje je predlagač prihvatio.

Ad 8)

Izveštaj o realizaciji Programa manifestacije obilježavanja 6. Aprila – dana Grada Sarajeva u 2016. godini

U uvodnim napomenama **Predsjedavajući Gradskog vijeća Suljo Agić** podsjetio je gradske vijećnike da je Izveštaj podnio Gradonačelnik, a da ga je razmatrao Odbor za društvene djelatnosti i Komisija za Statut i akte koja je zaključila da postoji pravni osnov da Gradsko vijeće razmatra podneseni Izveštaj.

Poslije izjašnjanja, **Predsjedavajući Gradskog vijeća Suljo Agić** konstatirao je da se tri

gradska vijećnika nisu izjasnila, a da je **Gradsko vijeće Grada Sarajeva, jednoglasno**, izjasnivši se sa 20 glasova “za”, bez glasova “protiv” i bez “suzdržanih” glasova prisutnih gradskih vijećnika, usvojilo Izvještaj o realizaciji Programa manifestacije obilježavanja 6. Aprila – dana Grada Sarajeva u 2016. godini kako je i predložen.

Ad 9)

Informacija o nepokretnoj imovini koja je u vlasništvu Grada Sarajeva ili sa kojom Grad upravlja ili raspolaže, te nepokretnom imovinom u koju je u proteklom periodu Grad Sarajevo ulagao budžetska sredstva

U uvodnim napomenama Predsjedavajući Gradskog vijeća Suljo Agić podsjetio je gradske vijećnike da je predlagač akta Gradonačelnik, te da su Administrativna komisija i Komisija za Statut i akte razmatrale pripremljeni materijal, te da je pred početak sjednice gradskim vijećnicima dostavljen i dopunski materijal na traženje Administrativne komisije.

Uvodno obrazloženje dopunskog materijala **dala je Pravobranilac Grada Sarajeva Jasmina Karović.**

U raspravi su svoja mišljenja, odnosno pitanja uputili **gradski vijećnik Slaven Kovačević, gradski vijećnik Alija Hodžić, a Pravobranilac Grada Sarajeva Jasmina Karović je odgovorila na postavljeno pitanje i dala dodatna obrazloženja**, a raspravu je nastavio gradski vijećnik Vibor Handžić.

Poslije rasprave, **Predsjedavajući Gradskog vijeća Suljo Agić je konstatirao da je Informacija o nepokretnoj imovini koja je u vlasništvu Grada Sarajeva ili sa kojom Grad upravlja ili raspolaže, te nepokretnom imovinom u koju je u proteklom periodu Grad Sarajevo ulagao budžetska sredstva primljena k znanju u tekstu kako je ponuđena i dopunjena pred početak sjednice.**

Ad 10)

Informacija o stanju komunalne higijene, plan i program rada, s naglaskom na čišćenje područja Grada Sarajeva

U uvodnim napomenama Predsjedavajući Gradskog vijeća Suljo Agić podsjetio je gradske vijećnike da je predlagač akta Gradonačelnik, te da je Odbor za javne službe, infrastrukturu i javni saobraćaj razmatrao materijal i dao prijedlog za zaključivanje.

U raspravi su sudjelovali **gradska vijećnica Novka Agić i gradski vijećnik Jusuf Lošić.**

Poslije izjašnjavanja, **Predsjedavajući Gradskog vijeća Suljo Agić konstatirao je da se četiri gradska vijećnika nisu izjasnila, a da je Gradsko vijeće Grada Sarajeva, jednoglasno**, izjasnivši se sa 19 glasova “za”, bez glasova “protiv” i bez “suzdržanih” glasova prisutnih gradskih vijećnika, na prijedlog Odbora za javne službe, infrastrukturu i javni saobraćaj usvojilo sljedeći zaključak:

Zadužuje se Gradonačelnik da, u komunikaciji s nadležnim kantonalnim organom, pokuša ostvariti takav vid suradnje da se periodični izvještaji, vezani za ostvarivanje komunalne higijene, u radnom materijalu daju i organima Grada Sarajeva kako bi u raspravi dali svoja mišljenja, prijedloge i sugestije.

Predsjedavajući Gradskog vijeća Suljo Agić je zatim konstatirao da je, bez rasprave, Informacija o stanju komunalne higijene, plan i program rada, s naglaskom na čišćenje

područja Grada Sarajeva primljena k znanju u tekstu u kome je i dostavljena.

Ad 11)

Informacija o stanju saobraćaja u gradu Sarajevu s prijedlogom mjera za rješavanje problema gužvi na saobraćajnicama, s posebnim osvrtom na mogućnost izgradnje kružnih tokova

U uvodnim napomenama **Predsjedavajući Gradskog vijeća Suljo Agić** podsjetio je gradske vijećnike da je predlagač akta Gradonačelnik, te da je Odbor za javne službe, infrastrukturu i javni saobraćaj razmatrao materijal.

U raspravi su sudjelovali **gradski vijećnik Miroslav Živanović, gradski vijećnik Alija Hodžić, zamjenik Predsjedavajućeg Gradskog vijeća Miro Lazović i gradski vijećnik Slaven Kovačević.**

Poslije rasprave, **Predsjedavajući Gradskog vijeća Suljo Agić** je konstatirao da je Informacija o stanju saobraćaja u gradu Sarajevu s prijedlogom mjera za rješavanje problema gužvi na saobraćajnicama, s posebnim osvrtom na mogućnost izgradnje kružnih tokova primljena k znanju u tekstu kako je i ponuđena.

Ad 12) Vijećnička pitanja i inicijative

U uvodnim napomenama, **Predsjedavajući Gradskog vijeća Suljo Agić** je podsjetio gradske vijećnike na inicijativu podijeljenu gradskim vijećnicima pred početak sjednice.

1. Gradski vijećnik Gradimir Gojer je upoznao gradske vijećnike da će usmeno iznijeti inicijativu koju će dostaviti Gradskom vijeću i u pismenoj formi za sljedeću sjednicu, kada će zatražiti podršku Gradskog vijeća i iznio **je inicijativu** u izlaganju sljedećeg sadržaja.

Upućuje se inicijativa Gradonačelniku, da se Gradska uprava „...stavi na čelo, organizira, koordinira i stručno moderira, ovo posebno naglašavam stručno moderira, široku akciju čišćenja korita i obala rijeke Miljacke, uz učešće struke (i to naglašavam, poglavito), ali i nevladinog sektora. Dakle, većeg broja volontera iz nevladinih organizacija.“

2. Gradski vijećnik Gradimir Gojer je podsjetio na prije podnesenu, a nerealiziranu **inicijativu** u izlaganju sljedećeg sadržaja.

Inicijativa je upućena prije dvije godine i nije dala nikakav rezultat. Odnosi se na vraćanje na svoje postamente dviju bisti istaknutih bosanskohercegovačkih likovnih umjetnika Voje Dimitrijevića i Mice Todorović koje su tendenciozno sklonjene sa postolja ispred Likovne akademije. Biste postoje. Nalaze se u depou. „Ovo je po mom sudu udar na umjetnost u Sarajevu, ali, u isto doba, i udar na multikulturalnost grada Sarajeva. Neka bude na sramotu onih koji drže zakatančene biste takva dva umjetnika. Hitno tražim da Gradska uprava i Gradsko vijeće interveniraju u ovom slučaju.“

3. Gradska vijećnica Arijana Talović je uputila, u ime Kluba gradskih vijećnika SDP-a **inicijativu** u izlaganju sljedećeg sadržaja.

Centar za odgoj i rehabilitaciju „Vladimir Nazor“ se obratio Klubu gradskih vijećnika SDP-a kao i Općinskom vijeću Novo Sarajevo. Traže od Gradskog vijeća da se nepokretnost koja se

nalazi u vlasništvu Grada Sarajeva Z.K. uložak broj 216 K.O. Homar, dodijeli u trajno vlasništvo ovom Centru. Zahtjev obrazlažu činjenicom da je Grad Sarajevo zaključio ugovor kojim se ova nepokretnost daje na korištenje u trajanju od pet godina Centru za odgoj i rehabilitaciju „Vladimir Nazor“, te da je, nakon isteka roka od pet godina, Grad Sarajevo ponovo 2013. istim ugovorom ustupio Centru ovaj objekt na korištenje na narednih 5 godina. Objekat je opremio Grad Sarajevo, a troškove održavanja je snosio Centar. Cijene da bi bilo dobro da objekt bude u vlasništvu Centra, a radi daljeg obogaćivanja sadržaja, za rad i edukaciju korisnika Centra (kao što su već formirani plastenici i pčelinje košnice). Inicijativa se upućuje Gradonačelniku da je razmotri, odredi se o njoj i o tome izvijesti Gradsko vijeće.

4. Gradski vijećnik Hasan Hodžić je uputio, **inicijativu** u izlaganju sljedećeg sadržaja.

„Na jednoj od sjednica, prije dva, tri mjeseca, ...vijećnik u Gradskom vijeću gospodin Jasmin Smječanin pokrenuo je inicijativu Odbora za urbanizam Novog Grada, odnosno ispred Kabineta gospodina načelnika magistra Semira Efendića, da nam se pomogne pri legalizaciji bespravno napravljenih objekata prije ovog rata. Ne iza rata, nego prije ovog rata. To su stara naselja. I sve tri inicijative ovo Gradsko vijeće je jednoglasno podržalo i hvala vam. Međutim, do realizacije te podrške nije došlo ne znam iz kojeg razloga. Međutim, na zadnjoj sjednici Gradskog vijeća gospodin Gradonačelnik je prihvatio da se napravi zajednički sastanak sa urbanizmom Novog Grada i gradskim urbanizmom. I nismo imali vremena zato što je imao put. Ja se ovim putem zahvaljujem Gradonačelniku na razumijevanju, pa molim da danas Služba za urbanizam Grada kontaktira Novi Grad pa da se dogovori taj zajednički sastanak gdje bi ovo riješili Mi imamo 7 000 neriješenih pitanja. Od tih 7 000 predmeta i Grad Sarajevo ima neku rentu 30% koju smo mi potpisali i bilo bi mi drago. Znači, ne sumnjam da Gradonačelnik neće to izvesti....“

5. Gradski vijećnik Hasan Hodžić je uputio, **inicijativu** u izlaganju koje je, između ostalog, imalo sljedeći sadržaj.

„Juče sam na Televiziji Sarajevo pročitao informaciju da je Opština Stari Grad spremna izdvojiti milion maraka za sufinansiranje Trebevičke žičare. Čestitam svim vijećnicima koji su iz Starog Grada i načelniku Starog Grada koji je ipak veliki dio svojih budžetskih sredstava spreman upotrijebiti za tu žičaru. I evo, sad ovim putem, molim sve druge opštine, a i mi ćemo iz Novog Grada gledati sa načelnikom da i mi pomognemo izgradnju te žičare.“ Cilj je da ovo Gradsko vijeće i ovaj Gradonačelnik završe i drugi značajan projekt obnove, poslije Vijećnice.

6. Gradski vijećnik Hasan Hodžić je uputio **inicijativu** u izlaganju koje je, između ostalog, imalo sljedeći sadržaj.

„Gospodine Gradonačelnice, do sada, a ovdje sam osma godina, svake godine smo imali iftar. Ove godine vidim prolazi vrijeme. Ako niste spremni da finansirate iftar, onda mi dajte termin Vijećnice kad je spremna, ja pozivam sve gradske vijećnice, vijećnike i sve uposlene da dođu na iftar I tražim da mi vi odgovorite ako ste spremni, ako niste dajte mi termin ja sam spreman onda to da finansiram.“

7. Gradski vijećnik Jusuf Lošić je uputio **inicijativu** u izlaganju koje je, između ostalog, imalo sljedeći sadržaj.

„.....imam informaciju da je grad Fridrieschafen ptihvatio donaciju izgradnje lifta u Domu zdravlja „Omer Maslić“. Interesuje me dokle je stigao taj projekat. I imam informaciju da Grad Fridrieschafen traži od Grada Sarajevatačnu finansijsku konstrukciju da bi mogao početi

izgradnju.“ Bilo bi dobro da se, budući da je projekt u nadležnosti Grada Sarajeva, njegova realizacija ubrza.

8. Gradski vijećnik Jusuf Lošić je uputio **inicijativu** u izlaganju koje je, između ostalog, imalo sljedeći sadržaj.

Potrebno je ubrzati donošenje Regulacionog plana "Vraca" budući da je donošenje ovog plana pokrenuto još u prošlom sazivu Gradskog vijeća.

9. Gradski vijećnik Alija Hodžić je uputio **vijećničko pitanje** u izlaganju koje je, između ostalog, imalo sljedeći sadržaj.

Zašto se ništa nije uradilo, da se zamijeni neprimjerena ploča postavljena kod spomenika ubijenoj djeci Sarajeva, a potrebna su mala sredstva? Hoće li se to konačno uraditi ili neće?

10. Gradski vijećnik Jasmin Smječanin je iskazao punu podršku diskusiji gospodina Hasana Hodžića i naglasio da se očekuje od Gradonačelnika da u narednom periodu organizira traženi sastanak, a zatim je uputio **vijećničko pitanje** u izlaganju koje je, između ostalog, imalo sljedeći sadržaj.

„I ja sam ostao uskraćen“.... za odgovor na pitanje iz diskusije na prošloj sjednici Gradskog vijeća. Potrebno je „...da mi se odgovori na pitanje koji subjekt radi procjenu stabilnosti terena, koja firma i na koji način je rade da bi se prevazišli ovi problemi koji se dešavaju u izradi regulacionih planova.“

Predsjedavajući Gradskog vijeća Suljo Agić je najavio održavanje 41. sjednice Gradskog vijeća za srijedu 27. jula 2016. godine, održavanje sjednice Kolegija Gradskog vijeća za ponedjeljak 04.07.2016. godine, te sjednica radnih tijela od 11.07.2016. godine, a prije zaključenja sjednice, uputio čestitke muslimanima u povodu nadolazećeg Bajrama.

Zasjedanje završeno u 11 sati i 58 minuta.

Sastavni dio ovog zapisnika je izvornik i tonski snimak o radu Gradskog vijeća koji se čuvaju u Službi Gradskog vijeća Grada Sarajeva.



SEKRETAR GRADSKOG VIJEĆA

Safet Krajišnik
[Signature]
PREDSJEDAVAJUĆI GRADSKOG VIJEĆA
Suljo Agić
[Signature]